

豐城縣志卷之十八

人物志八 孝友

高行

孝友 目錄

宋

過 昱

范飛卿

徐 定

子順 曾孫傅霖
霖子正常

范仕衡

元

廖立孫

李廷瑞

明

劉孫孫

劉志清

涂 壽

涂 秀

豐城縣志

卷之十八

孝友目錄

一

徐 濤

袁 坊

涂質煥

葉 香

李汝善

鄧 漢

李 頰

袁均治

丁時選

黃國靖

孫 貫

黃 烜 弟烜

楊嗣堯

國朝

游華甫

熊培赤

熊州俊

孫天鳳

余友芳

黃士宏

徐良彥

徐良琦

鄒明滾

李遇春

徐宗煥

魏伯寧

陸爲彩

周道竣

葛奇菽

劉 鑑 弟銘

羅 堂

熊翰述

蔣啟發

蔣連雲

蔣曰寬 余尙訓 萬賓賡 徐文豹

楊維矩 呂鈴 熊治經 楊日炳

宋九坎 鄔福岐 李同富 熊登軌

羅克章 周兆煌 熊正英 傅巖

甘繼益 熊叨賚 張廷柱 余尙典

李清麟 白孝子 萬斯蕃 楊世昌

金綸章 涂攀桂 袁杰 毛翰

徐樂府 敖功遠 周文龍 孫立達

黃光靄 何鳴鳳 呂繼華 范接宗

徐啟樓 周家鳳 李曰星 雷立端

豐城縣志 卷之十八

孝友目錄

二

李省身 蔡德懋 龔源吉 辛庭侍

張昕 張承組 張祖明 黃宙瑚

陸運柎 徐致方 黃烈 徐聲榮

萬啟茂 李其元 孫金 萬光岱

林達 鄔韞燿 周承志 鄔祿欽

萬養禮 周漢仁 雷必超 趙慶發

李謙 蘇振桂 張正景 黃德潤

鄔欽之 涂世茂 鄒有一 陳舜誥

涂修璜

補遺

宋

呂思忠

元

湯霖

國朝

傅雄畧

袁文錚

袁文鎧

徐葆牲

楊懋識

聶洪謙

周模全

范熒

李允德

周心敬

豐城縣志

卷之十八

孝友目錄

三

豐城縣志卷之十八

人物志八 孝友

高行

孝友

宋

過昱字彥明定林人母早卒刻木為像旦暮上食如生時
父歿水漿不入口者累日嘗自彙古孝子三十卷曰至

孝通神集第進士擢全州事正民偽版均平稅役斷獄

務盡其情恆以濫刑為戒終都官郎中自號定林老叟

按過昱世居豐城定林故自稱定林老叟時邑同為都官郎中者李秉何延世與昱稱為豐城三郎中省志及明一統志列過昱于南城誤至臨川志過昂係過源從孫另是一人以豐城過昱之至孝通神集摭

豐城縣志

卷之十八

孝友

入臨川過昂傳中亦誤

范飛卿字升甫乾道七年鄉薦授龍陽主簿居家孝友行

義孚於鄉里女兄老而貧迎事之如母學以明善誠身

為本博極羣書有詩文百餘篇行世

徐定字子固覺溪人父國煦與兄國會同居篤友愛庭木

連理國煦卒定廬墓三年晝夜不絕哭家紅紫牡丹忽

變白人謂至孝所感號大孝子定卒子頌字子儀未弱

冠三年足不履閨闈寢食於墓號小孝子曾孫傅霖字

商澤亦事親孝謹居喪如制子正常字體叔孝友篤實

杭山章鑑為表其墓曰篤行先生人謂徐氏世傳孝子

范仕衡字平甫植村人性至孝父歿出游必泣告於墓而後行母疾久不愈祈於神或以藥方授忽不見服之遂愈特奏名授欽州推官攝二守著廉幹譽

元

廖立孫字幼興至正十九年鄉寇熾立孫負母冒白刃逃難寇靖孝養終其身揭曼碩題墓曰有元純孝廖立孫之墓又為作詩刻石

李廷瑞字雲紀新城里人學行為時重教諭新建廣昌師範比於安定徙長南劍延平書院以母老辭不赴母歿廬墓踰年有白蓮生廬前田畔華葉蕃盛揭學士俟斯

豐城縣志

卷之十八

孝友

二

為作白蓮詩

明

劉孫孫名靜字仲安洪武初父秩知崇明州因奸民構誣下獄孫孫年十二痛父非罪誓往訴弗白則弗返適上遣耿公炳文理冤滯孫孫詣耿呈牒耿奇之為奏上上召問覈得實斬誣告者孫孫乃奉父棄官歸參政睢大書孝子字旌之諸搢紳咸為詩以贈題曰孝童傳後舉任真定縣丞

劉志清本邑人六世同居成化間旌表

涂壽字永年甘棠人疇兄父喪廬墓三年成化間旌其門

涂秀甘棠人事親以孝聞顧令敦請鄉飲

徐濤有孝行父母歿廬墓三年不御酒肉宏治間詔旌其門

袁坡字邦彛袁坊人母死廬墓三年嘗與鄒謙之王汝止講明正學結廬雲山遠近從遊者至室不容學者稱爲雲山先生

涂質煥峻之子性醇厚周親黨至鬻產弗吝父卒於官徒跣奔喪刻木爲像事之如生

葉香字惟德釗之子早喪父有感輒號泣竭力事母母性嚴香務得其歡心母疾躬調湯藥夜不解帶妻稍不若

豐城縣志

卷之十八

孝友

三

於母卽同跪寢門外母怒不釋輒遣歸逾年母爲買妾從之不一入內室母問故泣曰顧妻尙未可絕耳母感言令卽日歸之潘潢時爲分守上其事詔旌其廬弟秩亦以孝名

李汝善篠塘人幼未嘗學問父死哀毀骨立葬廬墓三年母喪亦如水泛漲不去廬所有烏巢馴蛇之異邑侯李章聞而旌之卒葬母側人呼孝子墓

鄧漢字潔之洪橋人少孤貧父殯薄終身不忍華其衣居母喪水漿數日不入口嘗拾遺金坐待失者還之由貢歷休寧訓導常熟教諭金山衛教授作人以明倫敦行

爲先致仕歸年至九十

李頰字宏明中丞材之子少佩庭訓其學以尙名檢敦實行爲重年二十中丞以滇功被劾逮詔獄論死頰始婚於家聞變草屨囚服詣獄乞代寢處赭衣蟣蝨間者六載中丞得減死論戍滇海頰隨侍戍所十三年學益進辨新安金谿姚江異同尤悉中萬曆丙午鄉試天啟改元伏闕懇父功高被枉狀有旨復官頰以部選授閩鄉教諭竟繳憑歸日與同志講學於父見羅祠風雨晦明不輟僉憲李若愚扁其門曰李宏明先生廬薦辟詔下以其姓名上聞頰引疾力辭著有中庸參論語測或問

豐城縣志

卷之十八

孝友

四

臆說四書提鏡同求錄年代紀要

袁均治性極孝母病醫藥幾不能投均治引刀割股和藥餌以進涕泣籲天請命母病頓愈

丁時選沙湖人聘君傑裔孫事親至孝更樂施予督學王敬所以孝義表其門

黃國靖荷塘人繼母程私其所生子乘間譖於父父杖國靖幾死國靖益小心敬事之母尋悔父被豪挾誣臺使者捕之急擬必死國靖挺然以身代拷掠備嘗事得雪無何以暴疾卒先二日遺從弟國華書曰心不可不盡身不可不勞死以全親獲死所矣卒之日年二十四鄉

人憐而壯之

孫貫字子一世祐伯子光祿寺丞性至孝親卒哀毀骨立
墓祭悉如禮築室墓傍日夕號泣有白鵲來巢玉芝產
戶人謂孝感所致邑尹韓太史李各撰廬墓記表之
黃烜副使焯之弟焯任金華迎父就養烜隨侍父病與兄
嘗湯藥不少懈衣垢必親澣恐重爲兄憂勉慰曰願勿
以大人故廢職事也父歿官即烜卽以哀毀歿弟焯偕
兄焯扶襯歸廬墓哀號不絕聲亦隨歿
楊嗣堯東城人性篤孝善體親志事諸父敦謹無間言撫
姪如已子萬厯癸丑詔旌其門

豐城縣志

卷之十八

孝友

五

國朝

游華甫苦竹農家子順治二年高兵散掠入村擒其父舍
宇拷逼罄所有不饜舍宇遇害華甫以身翼父死之

熊培赤字若孩瓘山人康熙四年以孝舉任安福教諭

熊州俊前村人負母避兵以孝聞巡按吳題 旌

孫天鳳幼喪父事節母皮氏極孝巡按王題 旌

余友芳字菊人幼喪父事母至孝順治丁酉副榜陳省齋
衡文粵東重其才聘之以母老辭母諭以遊覽益學問
趣之去友芳念母切不數月歸至後灣遇寇同舟被鐵
六七人將及友芳怪其指甲修長詰之應曰以受之父

母不敢毀傷耳盜駭曰秀才守身竟及指甲耶釋之歸
孝養益摯母歿哀禮兼盡衰衣終身不去乾隆三年表
其間所著有四書拾遺尙書參補禹貢圖記

黃士宏康熙辛酉武舉以孝聞奉

旨建坊

徐良彥夏港埠人康熙時諸生父病刺股滴血和藥以進
督學高知府甘知縣王均扁獎其間

徐良琦母病熟股肉奉之病少瘥割如前遂霍然愈知縣
沈以純孝格天獎之

鄒明滾一坊人母病煎股肉爲湯飲母是夕夢神告曰上

豐城縣志

卷之十八

孝友

六八

帝感汝孝錫汝母六齡已果驗鄉里稱異

李遇春爵塘人同妻劉氏割股進父知縣周教諭萬並以
扁獎

徐宗煥隱溪人雍正九年母逾六旬得膈疾瀕死刲股肉
進母愈年登大耄

魏伯寧東坑人節婦任遺腹子事母至孝任九十三歲卒
時伯寧年七十二號泣若孩提廬墓三年李方伯獎其
門曰耄期孺慕

陸爲彩字白受仙音巷人節婦雷氏子邑諸生幼時卽解
孝敬母病必宿牀下親調湯藥雷歿爲彩哀毀卒

周道竣字嵩居苦竹人幼孤見母夜績面向壁飲泣母覺對曰兒額爲壁中不耐痛耳家赤貧有弟父存時已鬻爲他人子母言及輒太息道竣嘗爲人牧飯有肉必懷歸遺母逾年不取傭值主詰故乃言欲積鏹贖弟慰母憂主倍予值遂贖弟歸母卒旣葬距家三里許日治田夜就墓次宿終三年如一日乾隆四年旌其廬

葛奇菽塘下人目不知書七歲喪父極哀毀長竭力事母母盲家貧不能娶奇菽出耕田入執爨以養夜編草爲履詢母欲且易以進母死旣葬結廬墓側藉草臥日上食如生時出與返皆跪告初廬墓月餘廬火復爲之復

豐城縣志

卷之十八

孝友

七

火或曰此地非可久居者天憐若促若歸耳謝曰母死吾安歸一夕里人乘月往瞰之見熒熒苦叵旁一巨蛇伏若馴擾者相與嘆息去明日詢之則曰此蛇夜來且去三年矣奇菽卒里人於其母塚側葬之呼爲孝子墓劉鑑字兼萬人父卒停棺未葬水驟至鑑抱父棺流數里乃得泊母病思鮮魚鑑冒雪遠購途遇虎鑑叱曰汝食我母不食魚耶虎搖尾去鄰火迫母寢鑑適他出奔歸突入烈焰中以重衾裹母負而出母卒廬墓三年及祖母卒亦如之弟銘名諸生鑑卒縞素哀慟人謂其母節而子亦孝友鑑子映魁庠生

羅堂字觀光扶山人父客死於楚家貧祖垂老無伯叔母孀堂力田供甘旨祖歿之殮費以已衣走鬻新淦市雪徑尺凍餓瀕死歸乃得斂又間關至楚負父骸歸與祖柩同葬母歿堂年已四十餘方就學卒工文補邑庠生乾隆壬申舉於鄉授國子監典簿

熊翰述字循及大屋人性孝友兄弟先歿翰述撫三孤如已出析已產畀之弟婦孀加意周卹卒成其志乾隆癸酉歲饑買米數百餘石濟貧乏鄉人德之公舉鄉飲正賓以孫儀束貴 贈奉直大夫

蔣啟發泰亨人例貢生父病危割股潛進延數年父歿廬

豐城縣志

卷之十八

孝友

八

墓山側故多虎終三年無患後 贈奉直大夫

蔣連雲亦泰亨人父病割股進父旋愈

蔣曰寬蔣家樓人父歿廬墓三年母病瘡寬徒步千里延醫醫謂治需人葭貧不能得謀鬻身宗族憐其孝厚資之得葭母即愈比母歿廬墓三年終身不入內室伯兄某以子爲其後

余尙訓字綸章號慎齋銅湖南谿人性至孝父病藥罔效尙訓焚香 顯天割股和藥進病旋愈父性好潔每飲食必親手調進昆弟七人大小百餘口同居四世無間言學行甚篤爲文追先正乾隆庚辰舉人選瑞州府訓導

掌鳳儀書院士服其教知府衛保薦以母老辭後補餘
干訓導卒子景昌舉人景陽庠生

萬賓賡字廷颺後萬里人乾隆丁卯鄉舉以母老依戀如
童時公車不再赴人以至孝稱之品清介文有古趣截
選知縣未任卒

徐文豹字繡園夏港埠人父早歿兒時見母憂輒跪俟母
笑乃起不則長跪竟日家無恒產母命販湘楚千里數
歸省母歿哀毀骨立旣葬廬墓朝夕號泣遇大蛇不爲
動蛇亦竄去廬頂有大白鳥翔集墓前產赤芝數本輪
困如箕里人欲上其事泣謝之忌日致祭至老猶啜泣

豐城縣志

卷之十六

孝友

九

御史鄒玉藻稱爲純孝子秉霖進士官知縣有傳孫瀚
歲貢

楊維矩露溪人母病癩家人莫敢近維矩親滌廁浣衣不
離左右者七年母卒哀毀逾常鄉黨稱其孝

呂鈴字盛生塘下人有至性侍母鄧氏痿痺疾十有六年
無少懈子二兆壽兆祿仲孫新戊申舉人官教諭

熊治經余熊華人父病醫不治比篤禱於神割股肉以進
病頓瘳

楊日炳露溪人父病篤割股療病父卒哀毀幾滅性弟日
章以過痛得暴疾日炳調護備至鄉人嘉其友愛

宋九坎雲堆人性純慤鄰不戒於火延及其廬火熾甚九坎急趨救父出復從烈燄中入內室救母出九坎與母遍身焦灼僵臥累日夢神飲以甘露痛漸定不數日九坎與母瘡皆平人以爲孝感所致

鄢福岐字文興故里人國子生少孤孀母周得弱疾福岐侍寢與衣不解帶者屢月知縣何廉獎其行贈額曰孝友宏模後精岐黃術多使人

李同富七坊人幼喪母父建仙續娶卽同富事如所生繼母病醫藥罔效割股肉以進母病遂痊

熊登軌字功臣規頭人幼孤家赤貧與前母兄賣薪養母

豐城縣志

卷之十八

孝友

十

長負販入蜀積錙銖爲兄完娶後兄年五旬鰥居無子軌歸勸復娶兄固不從軌置酒會親族請曰兄不娶何以承先人祧長跪淚泫泫下親族皆感動兄乃復娶舉二子後軌始婚生三子妻歿不再娶卒年七十九長子上佑監生長孫浩歲貢

羅克章中溪人少入峩眉山事修煉歲數歸省母終時章適千里歸與兄備殯殮塋廬墓朝夕必上食三年哭拜辭墓而去後不知所終

周兆煌字顯章泊濂人館穀養親祖母疾煌不忍勞其父身左右扶持期年如一日嘗侍母病過勞嘔血遇奇方

粹愈人謂孝行所感

熊正英字允康瓘山人國學生性孝友父母歿水漿不入口者數日成墳後不室處有狐姪二篤愛倍已出居恒訓家人先以孝友子榮麟邑庠彩麟邑增鶴麟國學姪象麟舉人官知縣玉麟邑庠

傅巖字右商號築軒源溪人學行端謹有孝行父沛慊巖毅能先意承志事繼母如生母孺慕逾五十不衰與弟彬紀同居白首無間言年未三十妻歿親欲爲繼娶巖泣曰氏歸十載得二大人歡繼安得如氏者父母知其意亦不强乾隆丙午膺鄉薦後選宜黃訓導教士以立

豐城縣志

卷之十八

孝友

十一

體致用爲訓旋疾卒遺命勿作佛事子洪邑廩

甘繼益村前人事親以孝聞妻死父命再娶繼益曰親老子幼固當娶但娶媳不賢悖老翁虐前子是益兒罪也卒不娶年八十餘卒

熊叨賚字予善國學生潭埠人少孤事母孝母病患渴得蜜梨食稍痊叨賚自養蜂接梨數年蜂叢釀蜜梨纍纍結實母賴是享年八十餘人稱孝感嘗捐建祠宇置祭田四十餘畝其孝思如此知縣鄭詳請

旌表子顯濤國學

張廷柱邑庠黃埠腦人家敦孝友五世同居臨川李中丞

宗瀚題其門曰百忍家風子華文學孫煌監生

余尙典字諦章銅湖南溪人瑞州訓導尙訓兄年十五父病刺血和藥進父尋愈乾隆間楓口鳳形中洲蔡湖堤屢決典捐貲募夫兄弟躬巡築會水驟漲兄舟覆典入水負兄出得生中歲遊楚涉馬路口瀧險傾囊爲石橋覆以亭土人像祀之先是典從父楚南山中虎猝至典扳樹枝捍父禦且走虎搖尾去負父以免土人因更塑一虎於其側子兆彥歲貢兆甲副榜

李清麟字瑞原鍾喆次子家貧父性介潔麟年七齡爲人牧博升合以養父八旬患目疾麟禱於神愿刻送丹桂

豐城縣志

卷之十八

孝友

十二

籍目復明母胡患痿痺親扶掖浣滌嘗藥餌數年不離寢處事兄如嚴師躬忍勞苦舊產悉推與諸子後以賈起家好周急嘗於沙市舟次贈覆舟者金猝不知其爲王司寇昶公子也已而昶官江西物色清麟至署勸之仕以親老辭旋授布政司理問職子棠翔千以父命捐存留質庫金三千又錢千緡爲生童各卷費布政袁公秉直以誼重士林額旌其門棠官廣東雷州經歷翔千主簿

白孝子四坊田東人佚其名織竹器爲業少孤事母孝母病割左股以進霍然愈復病旋割右股母老苦嗽夜常

就榻前卧手承唾紆母卧起勞歿倚廬三年刻木像事之如生年七十餘卒

萬斯蕃田園人父寅衛早歿事孀母何有至性與弟淳耕且讀不以家貧累母母病拘攣兄弟左右扶持夜更環侍寢凡二十年母垂老斯蕃邁危疾力起跪禱天曰某有母在願寬旦夕終養疾尋愈母歿兄弟依苦塊夜夢中常痛哭呼母日陳生前衣裳飲食需用之具踰年斯蕃歿淳哀痛成疾時撫母兄靈筵流涕越六月亦歿歿之日猶丁寧囑諸子毋忘手足斯蕃廩生淳監生蕃子

承曾邑庠

豐城縣志

卷之十八

孝友

十三

楊世昌字建初其義子髫齡喪母躡踊中禮事父能養志美蔬珍品及時卽市以佐食晚借寢處垂五十年如一日間置酒招里中父老共飲已左右奉觴上壽勸引酌盡歡而罷月數次爲常父清癯藉昌優游頤養躋大耄

金綸章羅紋人母病百藥罔效綸章潛割股以進母遂愈涂攀桂島嶼人父病百藥罔效攀桂潛割股進尋痊

袁杰字子人大橋人年十九補縣庠性嚴正終日危坐無惰容訓生徒必授小學曰此行已根基毋忽也課餘疏注先賢名論資勸戒家貧好施與梓行敦善錄然不喜

供佛飯僧母早世事父無違父歿居喪盡禮殯側獨宿
三年值父母忌日戒葷酒終身不渝有司慕其賢舉孝
廉方正不就鄉里欽之子文心文生孫應庚應辰皆邑
庠

毛翰字凌軒大塘人善事父母父偶疾爲文禱乞身代尋
痊幼弟爲父母鍾愛讓產與之後家漸落晝耕夜讀年
二十八補弟子員教授生徒以經義淑人門下士多獲
雋尤敦本崇實不慕榮利論者卜其後嗣之必昌焉子
輝鳳任四川巴縣知縣孫震壽任陝西布政使司布政
使

豐城縣志

卷之十八

孝友

十四

徐樂府字校哉一字正軒高埂橫溪人少讀書後從父客
楚有宜昌奸商逋負父不憚私貸金託爲商償釋父憂
年五十歸定省與弟調元晨昏無間又相友愛鄉里諸
善舉每捐貲爲倡病革時手製楹帖云事二親惟養生
送死教三子須爲善讀書自槩其生平如此子傳祉國
學傳禧傳祺從九孫司直曾孫寶乾俱邑庠

敖功遠字毅亭花園人廣東鎮平知縣宗瑚子也隨父任
晨夕無違嘉慶乙丑送父入京舟過通州爲父滌溺器
失足落水父方呼救忽有巨龜負之置諸岸人驚爲神
季父伯兄歿鎮平署不辭千里舁二柩歸生平淡泊自

甘毫無私蓄學使文毅公張以庸行流芳題額子聲振
附貢生

周文龍譜名漢韜字廷章一字西序陽坊牛輓人業儒兼
習醫家赤貧廿歲訓蒙以館穀養親兄弟三人已鰥居
爲二弟完娶幼弟文鳳束髮受書課讀外服食起居悉
心調護惟恐貽父母憂及長與仲弟漢略商出從師拮
据供館膳有妹適鄒姓多病龍時訓蒙河西距五十里
母每命龍診視往返不辭勞瘁弟文鳳後中副車龍老
病慨然曰我弟必登賢書我恨不及見也言甚悲楚旬
月而卒以姪英輔爲嗣

豐城縣志

卷之十八

孝友

十五

孫立達字景倫一字四齋國學生魏里人生有至性幼隨
父客江南父患渴日夕奉梨汁以進父歿喪葬盡禮母
病痿日扶母行母歿如父喪盡制析爨後兩兄食指繁
無措將已貲復三分之鄰有以隄圯致爭者出貲代築
今呼爲孫外公塋云其好善類如此子源治國學謹厚
有父風父歿呼捨逾旬亦歿孫本泉國學慷慨喜任事
嘗縣歸過精怪潭適江水暴漲急出貲捍築隄得不潰
本驥議敘從九曾孫謀副貢光紳國學光德邑庠

黃光靄字步高一字履氣楓溪人父世國學生嘗置祭田
綿宗祀敦孝友弟病胸滿痛劇必負之徐行則少減世

晝夜背負不惜煩勞靄少佩庭訓色養備至父歿暈絕者再葬畢墳內水生靄怔恐獨力改扞念兄弟貧乏館穀亦歲分與之生平鞠躬履方取與不苟耄年嗜學竟不獲一衿士林惜之子增業儒孫沛仁邑庠

何鳴鳳字竹樓邑庠生河灣人善詩工楷法幼時祖病危夜虔禱刲股煎湯以進祖病愈不與人言父遠客來書必窗下焚香跪讀其少成天性如此不幸早世衿紳等皆哭以詩

呂繼華洛溪人幼失恃事繼母孝母病刲股和藥進旋愈范接宗上郊人母病刲股救之

豐城縣志

卷之十八

孝友

十六

徐啟樓竹園人力耕以養母病刲股救之歿後廬墓三年風雨無少間

周家鳳晒岡人母病刲股肉以救刀痕宛然雖酷暑不禡衣恐人見而問之

李曰星南湖人性至孝與弟曰明曰順灌園食力星每身先恐勞二弟違父母愛憐心壯年喪偶子四齡弗再娶爲二弟完婚父母俱高年終居喪時每食上飯必號泣年八十五卒孫三曾孫四

雷立端曲源人邑庠生母病齋戒顙天刲股和藥以進旋愈

李省身上石人監生父歿廬墓三年母歿亦如之

蔡德懋安峯人幼孤事母以孝聞酷暑持扇不離左右冬則爲母煖席孺慕之情至老彌篤

龔源吉字祥雲一字太和田北人父享高年編入壽民吉年六十餘父病足以身代杖歿時值嚴寒寢苦塊雖病弗恤人多稱之

辛庭侍字亮工柿溪人父早逝事母得歡心母病數月衣不解帶母歿日上食如生時夜卧柩傍旣葬三年不入內寢子二勤邑庠生加州同職高占八品職

張昕字耀臨國學生塘邊人天性真摯母得瘵疾參苓勿

豐城縣志

卷之十八

孝友

十七

效聞前賢朱雲孫有母病刲股事竊效之旋愈終身不與人言又好施與矜恤孤寡精岐黃術用藥貧不取值子瑞珩監生孫丙照附貢

張承組字秀英洞坑湖頭人母病醫藥罔效默禱司命七日割股潛進母病尋痊

張祖明字曜才洞坑港邊人家赤貧母病無醫藥聞嘗糞甘苦可辨死生嘗之大哭乃刲股代藥煎湯母病痊人以爲至性所感

黃宙瑚字夏瑞滄溪人少讀書長歷江湖觀萬貨情爲父母頤養計援 例入成均弟希灝郡庠瑚與分產後堂

上所資瑚自備屬弟棄家事攻舉業並屬其社友相勗
歲寄銀五十兩爲弟家飲助科場倍之專函緘寄瀕有
一丁吟草兄沒念之每見於詩

陸運柎號石菴仙音巷人職員幼習舉業性肫摯事父無
違一如父事祖母父患足疾服食起居扶持勿懈事繼
母得其歡心父歿號慟幾絕忌日必哀伯叔父母析爨
人仍加奉養身後殮葬如禮從堂弟姪輩飲食教誨皆
身任之生平喜行奇嬰掩骼諸善舉與人犯亦不校咸
稱長者邑侯葉敦請鄉飲大賓並書碩德耆年額歿從
祀大宗子鰲武庠六品銜如照 恩貢咨選教諭孫桂

豐城縣志

卷之十八

孝友

十八

芳國學

徐致方字義臣青藍人事孀母晨夕不離側每先意承志
恐拂母心時兩兄賈楚母老多病致方躬親甘旨侍湯
藥數十年不懈均產時季弟讀書恐薪水不繼割己膏
腴益之季弟卒視姪如子延名師課讀歲出重幣無少
吝姪燦錦補諸生慨然曰吾弟其少慰於九京乎子瑞
麟歲貢生孫士莊邑廩生士紱附貢詹事府主簿銜

黃烈字盛卿門樓人少習舉業不售肆武鷹鄉薦分發淮
安衛千總俸滿終養乞歸晨夕潔饘馨膳問衣寒燠皆
躬親之年五十餘猶瞻依若孺子以食指繁與弟析箸

擇膏腴悉畀之弟卒撫孤姪如子統家政聿臻完美遇善舉輒解囊不吝嘉慶七年大饑烈出穀賑鄉里遠者貸之既匱轉糴以繼又嘗集宿券召諸逋焚之皆感謝而去幼子榮字敬之慷慨有父風敏悟善詩弱冠補諸生以助修義倉議敘州判職郡伯張寅雅重之酒筵時與唱和負才早卒有放園詩草待梓孫瑞南增貢生

徐聲榮字廷吉青藍人事親以孝聞年三十五喪妻子二長九齡次五歲戚友以其家素裕勸再娶聲榮曰後妻不賢必虐吾子且吾母已老愛幼孫婦姑有不勃谿者乎吾不忍貽親憂也卒不娶撫二子成立侍奉老母以

豐城縣志

卷之十八

孝友

十九

天年終

萬啟茂字暢然號松坡後萬里人年十八父卒棄舉業補上舍擢指家政遇事剖決如流督課兩弟季弟啟心自入塾至成進士策勵擔持無少間啟心應童試偶以嬉游誤啟茂思小懲之故激母怒斥跪於庭將予杖又恐其難堪因請諸世母力爲調釋其委曲友愛類如此事繼母承順如所生教家甚嚴賓從在堂門內外不聞有嬉笑聲素嫺吟咏與同邑毛梧生訂兄弟交多唱和客江南嘗游丹徒名宿王柳邨之門所著古近體詩王爲點定多採入羣雅集中以弟啟心貴

馳贈奉政大夫子五兆煊同治壬戌舉人承先甲子舉人
李其元字志義筱塘人國學生性至孝事孀母袁太安人
承顏順志人無間言家貧貿易楚南每歲必歸省家亦
漸饒尤仗義疎財恒以濟人爲念如脩縣治東門外石
橋村旁石路剝脩廟宇及年荒賑濟凡有裨鄉黨者皆
傾囊爲之所費不下鉅萬卒年八十二以孫載齡職
勅贈儒林郎曾孫濬源同治壬戌舉人籤分戶部江南司主
事僉謂積德之報云

孫金字韻徽號賦亭同造人優庠生七齡失怙極哀痛家
貧母性嚴終日無敢嬉戲受書村塾歸必背誦母前長

豐城縣志

卷之十八

孝友

二十一

益績學知名左右侍養五十年依依孺慕母歿勵甚臥
柩側數月葬祭如禮厥後建學培祭賑饑悉遵母訓里
黨稱之子三長霽霖國學生承父志昕夕問視卅年如
一日仲季間所所如也劓塾課諸子姪次裕傑國學生
幼裕佐優庠生性孝力學孫懋修舉人現任永甯教諭
懋宗邑庠

萬光岱字仰山號東屏邑郭東門人優增生讀書敦孝悌
嘗受業楊明經其義得聞陳榕門踐履之學終身事之
如嚴父學憲王拔取縣庠第一梓其文有翻若驚鴻矯
若游龍之目然岱嘗謂文藝末也倫行爲本故至性極

其肫摯及門茂才孝廉皆知此意至今稱述之著有適志軒文稿

林達字鴻賓隴城後村人國學生父病割股以進旋愈

鄴韞輝號玉山康里人恩貢生幼孤貧事母孝兄弟早析爨母以紡績助學資入類食廩餼教授生徒念兄弟困乏以所得脩金爲諸姪謀室家不以異居視也生平志尙高雅勿戀科名先器識而後文藝門下士遊庠領鄉薦者不之人士林咸景仰焉

周承志原名鼎字正南一字令生邑郭優增生附貢卜吉子也弱冠補弟子員與呂竹莊文紅蘅文社齊名壯失

豐城縣志

卷之十八

孝友

二十一

偶不再娶乾隆間天庾米朽敗唐令召邑紳李顯穀等議發售志父與焉後逋負不克彌補牽累成疾疾革時謂志曰凡邑中公事概不可與父歿謹守遺命改名承志惟教授生徒詩文不苟下筆陳尹繼思聘入署教授陳不喜朱註力辯不少挫鄭尹長昕過其廬見門帖有天上雪霜來歲晚石邊蘭竹寄生涯之句叩門入與談竟日甚躋之善畫蘭竹當事求者甚眾易簞時嘆曰未能顯親不孝孰大焉年八十三卒著有種芸書屋稿消

閒堂詩待梓

鄜祿欽王田人邑庠生事親有至性晨昏奉養務得堂上歡新蔬出親未食不敢先嘗母歿仰天號泣淚盡繼以血時父衰邁恐以寂寥傷厥考心日則扶持杖履左右無違夜則伴宿床帷坐卧不越不入內室者近十年鄉鄰欽之

萬養禮字添秩後萬人孝友成性髫齡父卒晝夜哭粒米不入口母曰汝若是倘不幸哭父死汝兄懦我將焉依遂抑情忍泣奉母以居母病醫藥罔效焚香籲天刲股和藥以進尋愈

周漢仁字德全陽坊牛輓人家貧兄弟六人仁長讀書未

豐城縣志

卷之十八

孝友

二十二

卒業貿於長沙寄奉養銀歲不過數兩後稍益有媒妁爲仁訂婚仁擘畫聘金兩載方足歸娶三月復往外諸弟竟出其妻仁由是不再娶寄奉養銀視向有加復寄錢四十緡爲弟完婚母歿殯葬均仁任之未幾值兵燹歸病卒年六十有七

雷必超岡下人性仁厚事親孝人無間言父病刲股和藥以進

趙慶發白土人事繼母得歡心母病刲股以進尋愈

李謙字皆吉篠塘人監生性孝友事親甘旨無缺弟四人婚冠皆所經理道光甲午乙未間荒疫並作施藥平糶

鄉里賴以保全髮逆肆虐屬其子襄辦團練每日桑梓之地何可任其塗毒也爾等戮力堵防之年六十三卒子五增榮郡庠增輝附貢增美邑庠

蘇振桂松山人性孝友父病篤籲北辰並禱十地菩薩刺血瀝紙錢焚之乞以身代病遂愈後粵匪竄擾突至其鄉桂捨身救父姪皆得脫桂遂被擄後乘間得歸時窮迫往楚南謀生計歸省親中途病歿年三十六鄉里共傷之

張正景字京恒張家洲人事親孝親歿以家計艱與弟析爨逾年弟卒二子一媳俱在襁褓景念弟媳孀居仍合

豐城縣志

卷之十八

孝友

二十三

爨而各理其所分田地越數年弟媳亡兩姪猶屬幼穉景乃代爲撫育婚娶教養視己子有過之晚年析居並將已手續置業產割半與姪其友愛蓋至老彌篤云子上林鹽運司銜孫開嵐國學

黃德潤三坊漣溪相玉兄也偕弟德福業農嘗侍父聞欲教一子讀書父歿三月玉始生潤福不忘父命玉七歲著受書至出就外傅家徒四壁傭工給薪水奉脩金歷年勿懈每佳節必敬謁其師及其友玉入泮旋列增廣生潤福已老愛弟弗衰人多稱之

鄔欽之故里詔精子也性肫摯以順親爲事同治辛酉父

禦寇以憤激成疾卧牀褥欽之侍疾兩月目不交睫矣
父乃命三子輪值值兩兄欽之亦不去父叱之含淚退
仍含淚前調藥鏘未嘗偷一息父卒哀毀絕水漿母泣
曰吾又何生乎于是啜飲越年母卒亦如之終事兩兄
怡怡白首

涂世茂甘棠北下人母病劇醫藥罔效籲天刲股和丸進
之頓愈

鄒有一橫山下坊人事母至孝菽水弗給傭工近寺減食
養母母耄耋負母就養母年九十三卒喪葬皆如禮

陳舜誥溪田人父病刲股和藥以進

豐城縣志

卷之十八

孝友

二十四

涂修璜字廷濱懋蘭長子懋蘭以善行著鄉里修璜天性
肫摯操行一稟先訓貿易楚湘家大裕自奉儉約如寒
素咸豐間江楚連年苦用兵傾貲濟餉計所出不下二
萬餘金不請獎益見重於當事家居瑩村前石路修厚
郭仕溪諸石橋建祠宇皆獨力任之遇歲歉輒出資以
賑全活尤多兄弟合爨食指至百數十人經理井井內
外無間言友于之誼至老益篤以州同職授儒林郎卒
年八十子十人入邑庠者四綬建昌府教授孫數十人
湘甲子舉人曾孫數十人荃邑庠生

補遺

宋

呂思忠字盡臣洛溪人大愚叟祖儉齋學行過人事親忻
然孺慕父母相繼歿負土成墳朝夕號泣墓側已而
亭其上獨居三年 雷宜中廬墓亭記

元

湯霖字伯雨長卿從子事母至孝母嘗病熱更數醫弗效
母曰倘得冰我疾可愈時天燠霖求冰不得日號泣池
上忽池中聲憂憂視之乃冰澌也取奉母疾遂愈 霖舊志不載查霖故居在八十二都松湖地方今爲汪氏宅新建志收之然確爲豐人因補入

傅雄畧字顯名號垂竹太學生五坊派前人幼孤事母孝

豐城縣志

卷之十八

孝友

二十五

母病衣不解帶者數月湯藥必親侍母督以承父志習
舉子業甲午鄉試薦而未售是歲荒出粟賑飢活人無
算胞兄文無嗣以次子承繼兄弟同居無間言捐資修
書院建祠宇諸善舉邑侯徐公清選善有餘慶匾額子
四次子錕壬戌領鄉薦孫九

袁文錚字履中號正夫袁坊人父客黔省久不歸錚請於
母欲往迎母止之錚跪告曰父遠貿而子坐享於心何
安母泣曰吾家貧兒未娶若往迎父難計歸期吾年且
衰倘遇疾誰侍湯藥俟兒娶後卽成兒志錚時年二十
四因百計張羅聘萬氏女娶八日辭母至黔父訝其來

錚以實告父呵之質如故錚泣不食父意動乃售貨全歸里先是錚有從堂兄子客湖南病瘦歸寄食錚家錚備醫藥父私曰病深矣空費爾財錚曰是從一脉忍惜資父喜曰爾能如是吾復何憂父母歿喪葬俱如禮子三紹綬紹絳紹紀俱有父風紀先父卒妻彭氏竟能青年矢志撫孤成立亦孝有以感之云

袁文鎧字修戎袁坊人幼聰慧好讀書家貧年十三廢讀力耕因號耕隱胞兄文鈴質楚南家漸豐而妻王氏恃夫能有騎態每忤翁姑母恚謂鎧曰吾與王氏不能一朝居與爾父籌之熟矣所以強忍者爾未娶耳鎧跪泣

豐城縣志

卷之十八

孝友

二十六

代嫂請罪終恐母心難安乃奉父母別居財歸嫂自謀耕種供甘旨娶徐氏具得歡心後兄歸密持百金跪父前母趨出怒叱之鎧曲爲轉圜回母心以成兄志母後父歿兄奔喪復授以金鎧曰葬已畢請以此金濟貧乏可乎兄違之怡怡一堂遂同白首嫂亦感焉鎧生二子長成均負異才弱冠補弟子員旋食餼潛心理學著日用庸言數千言自箴孫傲邑庠

涂葆牲字恆瑞號竹筠五坊流溪人監生議敘州同銜性肫摯善事父母父病衣不解帶者三月焚香夜禱願以身代遂刲股和藥以進頓愈後數年父歿事母亦依依

不離左右務得其歡心兄早世待寡嫂如禮撫猶子如
己出終其身不析箸家素貧葆牲服賈省垣善貨殖漸
致豐裕遇公事樂輸恐後族中貧乏者伙助不少吝會
垣修造萬壽宮眾紳首僉舉葆牲誠慤可任令董其成
毫無糜費至今猶稱道之

楊懋識字先達一字朗如從九大夫第人事親有至性父
老患腹痛病劇繞几扶行調藥鏘瞬息不離側奉母亦
無少懈病更罄誠親歿喪葬皆盡禮兄弟三人負販荆
襄二弟中年歿於孤恤寡嗷嗷數十口賴以生存著幼
子玉行貿易長子曦姪暄延師課讀暄尤聰慧學有成
豐城縣志 卷之十八 孝友 二十七

庚午領鄉薦暄因別號伯培枋里皆稱道之晚年尤好
善不倦如文昌社育嬰會等舉皆竭力贊成卒年七十
有五

聶洪謙字德輝竹溪人幼敏慧讀書文已成誦以生計迫
輟業客省垣性篤倫理事高堂敬禮無違父鎮嶽貧諸
生藉筆耕以給謙每歸無論館地遠近必時往省視安
則喜偶見羸瘠或有倦容歸必泣於二弟友愛肫至季
弟病癆瘵將不起謙疏禱於城隍神願減己算益弟齡
弟不知也弟死離魂久而復蘇曰吾被攝至冥神示以
籍數已盡不可延兄年亦不永奈何奈何言訖卒後數

年謙亦卒子三次模寬甲子科舉人

周模全字慎夫鄉塘人父洪夢有至性全尤以孝聞母常
憐女家貧甚必請金遺之親歿葬舍南數十武結廬哀
臨有大蛇馴伏卧墓側尤好濟急里閭有不能完娶者
分贏餘飲助之子煥發煥喜有父風孫蓮邑廩生

范熒字拱垣邑廩生鐵鑪頭墟路邊人性孝友能文章父
病割股和藥以進病旋愈

李允德篠塘人性儉約取與嚴一介家赤貧偕弟買楚南
稍充裕平分財於弟及弟家落復以財平分之弟卒後
仍供給其家至今鄉人稱之

豐城縣志

卷之十八

孝友

二十八

周心敬字榮卿號止庵五坊沙溪人邑庠生性孝友鄉黨
宗族無間言任事有幹才小港建閘工大費鉅倡捐以
勦成功尤精字體音韻之學註有十三經集字音義辨
訛六卷子四起鍾起鏗起銓俱國學起涓廩生

管平

邑增生羅湖人

聶德和

鄉厚人

毛廷桂

龍洲郡庠生

俞克韜

龍洲人

張益清

環溪人

以上五人或封股或廬墓俱有至性不可磨滅者

高行目錄

漢

徐穉

晉

羅文通

南唐

毛炳

宋

胡大訓

揭道孫

元

豐城縣志

卷之十八

高行目錄

黃滄

甘惟寅

明

丁傑

黃鐸

李南溟

李萬平

鄔見

范魯公

國朝

甘豫亨

余景新

劉瑞甲

涂述祖

李兆錦

高行

〔漢〕

徐穉字孺子世居櫛山下九歲嘗月下戲人語之曰若令月中無物不當極明耶穉曰不然如人眼中瞳子無此必不明少讀書楮山南崖臺上學嚴氏春秋京氏易歐陽尚書兼綜風角星占算歷河圖七緯之書家貧自耕稼非其力不食恭儉義讓所居服其德嘗齋磨鏡具備以自給寄寓豫章時陳蕃爲郡太守以禮請署功曹穉旣謁而退蕃在郡不接賓客惟穉來特設一榻去則懸之後舉有道就家拜太原太守皆不就延熹二年蕃與

豐城縣志

卷之十八

高行

僕射胡廣上疏薦穉與袁閎韋著等宜擢登三事協亮天工帝因問蕃曰徐穉袁閎韋著孰爲後先蕃曰閎生公族聞道漸訓著長於三輔禮義之俗所謂不扶自直不鏤自雕至於穉者產自江南卑薄之域而角立杰出宜當爲先帝命以安車元纁備禮徵之不至穉先後爲諸公所辟三舉茂才四察孝廉五辟宰府俱不起有死喪負笈往弔不遠千里嘗於家預炙雞一以綿絮漬酒徑造其冢隧外祭謁去不見喪主及會太尉黃瓊葬旣反時四方名士太原郭泰等六七千人疑其穉也選能言生陳雷茅容輕騎追及于途沽酒市肉穉爲飲食容

問國家事不答更問稼穡乃答之臨別謂容曰爲我謝
郭林宗大樹將顛非一繩所能維何爲栖栖不遑寧處
容還以語泰曰謹拜斯言以爲師表或問曰可與言而
不與之言孺子其失人乎泰曰不然孺子之爲人清潔
高廉飢不可得食寒不可得衣而爲季偉飲食此已知
季偉之賢故也所以不答國事者是其智可及其愚不
可及也後泰有母憂禭往弔置生芻一束於廬前眾怪
之泰曰此必南州高士徐孺子也詩不云乎生芻一束
其人如玉吾無德以堪之靈帝初欲以蒲輪聘禭會卒
年七十二子允字季登篤孝礪行有父風太守華歆請

見不詣漢末寇賊轉相戒約不犯其間

舊案云漢末豐城屬南昌南境後漢書謂爲豫章南
昌人宜矣但未析豐時孺子世居之地統屬南昌旣
析豐後其地則隸豐城今讀書臺與其祖墓乃在豐
之楸山則孺子世爲豐人可知故自有豐校卽首祀
孺子前志列孺子於逸行俱屬信而有徵

晉

羅文通豫章人其先漢大農令自長沙守豫章因家焉八
歲有志聖賢之學讀嚴氏春秋京氏易歐陽尙書皆洞
其要領卜居池山著道學書數十卷咸和二年詔爲軍

謫祭酒辭不往既王敦檄爲別駕歎曰以臣抗君以外
凌內小人道長之時吾將爲漢梅福矣結茅種菊疏食
水飲授徒八百有奇沒後門人葬於隱居之地而祠之
今名曰羅山 摘魏少游晉徵君羅山隱居記

〔南唐〕

毛炳幼好學貧不能自給性嗜酒入廬山採藥負薪獲貲
卽市酒盡醉嘗聚生徒數十講誦南臺山數年自署齋
壁云先生不在此千載只空山一夕大醉卒有詩集

〔宋〕

胡大訓字世文旗塘人紹定鄉薦性剛直游國學時憤權

豐城縣志

卷之十六

高行

三

相史嵩之奪情起復同黃愷伯等上書數其罪被逐作
捲堂文歸隱桂陂

揭道孫字志道業進士落筆千餘言世革徜徉山水痛飲
狂歌後還鄉里每會食必舍肉歸以遺親親沒事兄如
父事姊如母姊寡有子十歲被俘徧求弗獲養姊終其
身年逾四十而鰥不再娶其潔居人不可及孫車能文
吳草廬嘗稱之

〔元〕

黃澹字幼德攸樂人具文武才幹至元間父死於寇幼德
以計擒其渠手刃之已苦州苛政遂棄田廬客清江授

生徒自給久之歸構堂曰忍默褐衣蔬食陶然自如歿
吳文正題其墓碣曰逸士子東有文名 采草廬集增
甘惟寅字孔夙邑鄆賢能坊人號安所崇尚實學同弟仲
夙從陳植講業龍光書院得正學之傳與朱善劉秩毛
吾魯諸人互相砥礪知縣林弼稱之曰識之正志之定
隨所遇安其命明初屢薦不起

明

丁傑字秉英號潛軒沙湖人有學行隱居教授生徒由科
目進者甚衆景泰時御史涂謙列其名偕臨川吳與弼
薦於朝命下有司禮聘不起後御史陳選同知毛瓊屢

豐城縣志

卷

高行

四

薦皆力辭及卒御史唐龍行部至豐設主明倫堂祭之
萬厯間奉詔議諡知縣張昌辰以聞未果行

黃鐸字季揚城南人同姪太僕節師事吳與弼得所指授
郎中孫曰讓以經明行修薦不就與弼應聘召鐸偕行
辭曰鐸少已不就孫君薦垂老有此往不免干進之嫌
不赴孫綿統能世其學

李南溟湖茫人樂道好修有氣節或勸之仕不應隱一庵
圖書自娛吳康齋扁所居曰素庵人稱素庵先生

李萬萃字維衡湖茫人性端毅學務實踐燕私虎蹲山峙
凜不可狎事寡母孝逆濠變以威劫之不屈督學張東

沙題其枋曰盛世逸方著饑豹穴游桑榆諸集以子逢
遂貴封如其官

鄔見字無識泉塘人父鼎臣爲廉令家貧少時於書無所
不讀性嗜酒日攜錢就肆與人飲不問貴賤己卯以詩
經掄魁甲申國變棄家披鎗佯狂於安城永新聞已而
隱司空山煉藥不成去雲陽山縱酒狂歌以終

據歷代

氏姓譜增

范魯公一名顏字真卿梧溪人素受知閣部呂大器崇禎
甲申以貢就試吏部名第三領府判咨赴揚州開府史
可法留軍前贊畫司總巡城守 大兵下揚州城潰伏

豐城縣志

卷之十八

高行

五

亂屍中三日夜抵間入寺薙髮爲僧南歸家無四壁居
會城以畫自給性和而介中有不可雖千金不移順治
戊子兵變圍城中不得食服丹飽瘵卒

大雅堂別集補

國朝

甘豫亨字和吉別號龍西樵者邑大街人甫生母卽逝稍
長言及輒泣然淚下父授以書脫口了大義順治初偕
父隱龍山西梓里岡深究性理綱目等書或諷以弋科
名不應事父與繼母孝及歿三年不御酒肉年老無子
困甚坐斗室晏然著書嘗乏墨拾山中赭石以代著大
易外傳殉難錄小窗一鑑議論多闢蠶叢奉新甘冢宰

汝來珍藏於家

余景新字仰山南巷諸生家無顆粟吟聲出戶外貧病交迫未嘗干人歿一子泣榻前室中惟敗簾貯書敝衣破金而已

劉瑞甲字殿傅號桂巖河溪人居邑郭領乾隆甲午鄉薦少受業邑名宿甘綬綬著四書一得未就甲續成之家屢空介然自守日不舉火扃戶枯坐泊如也晚苦重聽竟以慮約終

涂述祖字弓治東城巷人副貢叢桂子乾隆己亥鄉薦師南谿余中桂名士也與彭文勤裴文達初爲文字至交

豐城縣志

卷之十八

高行

六

兩公貴中桂貢成均不往見述祖服其教操履嚴整不投片刺謁當事居家事親孝弟綏祖聘婦李未娶卒李矢不貳述祖迎歸撫卹周至爲立後請旌里中尤以此多之

李兆錦字勝友號華亭爵塘人績學能文行介甚中歲喪妻不再娶知縣李數造廬訪弗答人問故錦曰某不敢踰于謁之嫌也終諸生

